

Enformaziuns y Comunicaziuns

Consèi de Ploania: Eniann d'otober gnarál endô lité danö le Consèi de Ploania. I enviun dōta la comunité da se fá ponsiers sön che co podess daidé, y ince da valuté enstësc da se lascé mëter sön lista y sté ete tal Consèi. Iolan belo danfora.

Comegnun: En vëndres ai 3 de jügn dales 12:50 ennant, ti vëgnel porté la Santa Comegnun ai amarés.

Seniorenclub/1: En dedemesaledema ai 8 de jügn ván en pelegrinaje a Unsere Liebe Frau im Walde. An pëia ia ales 8 da doman con le bus dal Cone demez. Lassö mëssa ciantada dal Cor dai senioren y dedö marëna. Le cost é de 25,00€ a ce. Al é da se tó do le ABO; chi co ó, pó spo jí con la Mendelbahn. Prenotaziuns pa Lidia al 339/7899107.

Seniorenclub/2: Deache ai 25 de ma n'éra nia garatada, ván en dedemesaledema ai 1. de jügn a Bad Dreikirchen. An pëia ia ales 8:02 con la ferata da San Laronz demez por jí cina Tluses, spo ennant con le bus cina Villanders y dedö na picia ora a pe. Al é saurí da jí. Por jí cina San Laronz con l'auto pón ti telefoné a Lidia, al 339/7899107.

Conzert: La Scora de Musiga Val Badia enviëia dër bel al konzert de contlujun, co sará en lönesc ai 6 de jügn ales 18:00, te salf dles manifestaziuns d'Al Plan.

Curs: Le Zënter Families organisëia en curs de Acquagym con Marta Willeit. Dai 2 de jügn ai 4 d'agost, endöt 10 iadi (dagnora la jöbia), tal Hotel Teresa. Le pröm grup é dales 19:15 ales 20:15, le secundo dales 20:15 ales 21:15. Cost: 90,00€ por mëmbri ZFM, 110,00€ por i atri. Infos y prenotaziuns anter i 01/06 pa Marta al 339/7384558. Le prisc é da paié ete söle cunt Raiffeisen dal ZFM, IBAN IT 67 S 08010 58550 000305024064.

Aprofondí la fede: I sorantolun en valgünes propostas publicades tla tofla dla Ploania da Bornech, co pó ester d'öga por vignönn de nos, por jí plü sot tla fede, anüzenn i media nös. Por aprofondí la Sacra Scritōra: www.evangeliumtagfuertag.org (letōres te 10 lingac), www.laparola.it, www.chiesacattolica.it. Dessot val' atres propostas:

Noeles dal monn dla Dlija:

www.news.va (te 5 lingac)
www.vatican.va (te 10 lingac)
www.kath.net
www.katholisch.at
www.katholisch.de
www.zenit.org
www.lachiesa.it
www.catholicnews.com
www.catholic.org

Apps por smartphone:

Evangelizo (letōres dal de te 10 lingac)
Stundenbuch (brevier y letōres dal de)
iBreviary (brevier te plü lingac)
www.divineoffice.org (brevier - ingleje)
Liturgia delle ore (brevier por talian)
ePrexBibbia (Biblia taliana)
Foliec online:
www.vision2000.at - www.feuerundlicht.org
www.youmagazin.com



Plata dla Ploania Al Plan de Mareo San Vighile

Ploan: Signor Heinrich Perathoner
E-Mail: ploaniaalplan@gmail.com

Calogna Al Plan: 0474 501006
Radio de Ploania: 93,00 MhZ

UNITÉ PASTORALA



VAL BADIA

www.unitepastorala.org

Ann C 29.05.2016 - Gran festa d'Les Antlés - Corpus Domini nr. 27

Düc á mangé y é gnüs pasciüs



Dal Vagnele do San Luca 9, 11b - 17


¹²Canche le de jea a fin, él gnü i dodesc da d'ël y á dit: Orcia demez la jont, ch'ai vái tai paisc y tai lüsc encéria, y ciafi enló alberch y val' da mangé; deache tló sunse te n post a desman. ¹³Gejú á rospognü: Dedi os val' da mangé! Ai á dit: I n'an nia, ater co cin' pans y dui pësc; i messassun en iade jí nos enstësc a ti cumpré da mangé a dōta cōsta jënt. ¹⁴Al ea encër cin' mile ëi. Al ti á rospognü a sü discepu: Dijedi, ch'ai dess se sonté adöm te gröms da cincanta. ¹⁵I discepu á fat ci ch'al ti á dit, y á ciaré che düc se sontass. ¹⁶Gejú deperpo á tut i cin' pans y i dui pësc, á ciaré sö a cí, i á benedí y i á rot; spo ti ai ál dé ai discepu, ch'ai i partiss fora ala jont. ¹⁷Y düc á mangé y é gnüs pasciüs. **Parora dal Signur. - Lalt a te, Gejú Crist!**

An ne pó nia festejé Les Antlés y deperpo ciaré demez olache jont patësc

Encö, festa d'Les Antlés, aldiunse le Vagnele dla multiplicaziun dai pans y dai pësc. Cösc mo recorda che l'Eucaristia n'arjunj nia so travert, sce ara nes destol dai bojügn dles porsones.

An ne pó nia festejé Les Antlés y tal medemo tomp lascé susc i püri co á debojügn, chi co n'á nia na ciasa, i profugs, i foresti, i desperés, i amarés.

Chi co se detlarëia publicamonter sön la pert de Gejú Crist, mëss ince daurí so cör por chi co patësc y por i debli. Avisa desche Gejú á fat. Chi co tol pert ala Comegnun, mëss ince ester enstësc arjignés da partí - anfat olache al vá debojügn. Sce Gejú Crist é le zënter de cōsta festa, spo mëssel valëi ci che ël enstës á vit danfora con so ejompl. (Image)



Impressum: Ploania d'Al Plan, str. Catarina Lanz nr. 46, 39030 Al Plan de Mareo
Comunicaziuns - cina al dedemesaledema sëra - da mené a: Pablo Palfrader
Tel. 333 4762010 Mail: ploaniaalplan@gmail.com
Download plata: www.unitepastorala.org

Domègna: 29.05.2016.: Solenità dles Antlès: Prozesciun Eucaristica



8.30: S.M. a La Pli

9.30: S.M. solenne en onù y renger. dla SS.Eucaristia
Prozesciun Eucaristica con 2 Vangeli y Benedisciun

14.00: Funziun dal bato: Levi Johannes van Leeuwen

18.00: Prozesciun a Mantèna – benedisciun dal rü y dai punc'

Lön. 30.05: Feria dla 9. edema dal ann: S.Otto Neururer

7.20: S.M. por +nta Tille Comploi de Mano
S.M. por +nta Stasi Rindler de Costata
S.M. por +nta Albina Palfrader Basso de Fordi
S.M. por +nt Erich Ties de Cassl

Dédol. 31.05: Feria dla 9. edema: Sa.Petronila, S.Aldo

7.30: S.M. a La Pli

19.30: Funziun de mà
con prozesciun ete dal Ciüch en onù de Santa Maria

Dédem.01.06 Memoria de S.Iustin, S.Simeon, S.Roman

18.00: S.M. por +nt Angelo Palfrader de Fordi
S.M. por +nc' Clara Giovanni y Angelina
S.M. aniv. por +nt Pepi Trebo Villa Toni
S.M. por +nc' Franz y Magdalena Flatscher Hainz

Jöbia 02.06: Feria dla 9. edema: S.Marzelin, S. Armin

19.30: S.M. a La Pli

Vijita personala te dljia y cortina

Vèndr.03.06.: Feria dla 9. edema: S.Carl Lwanga y Compagns

Festa dal Sacher Cör: 1. vèndres dal mens

7.10: S.M. por i scolari
S.M. aniv. por +nt Pire Maneschg da Cianei
S.M. por +nta Anna Valentin, Arciara
S.M. por les Püres Animes plü arbandonades
S.M. por +c' Franz y Nese Trebo dal Pèsta
Funziun al Sacher Cör de Gejù

ca.: 12.50: Al ven portè la Santa Comuniun ai Püri

Sab.04.06.: Cuore immacolato della SS.Vergine Maria

17.00: Poscibilità da se pissié

18.00: S.M. aniv. por +nta Maria Clara
S.M. por +nc' Franz y Maria Tamers, de Burcia
S.M. por +nc' fredesc y sorus Oberbacher dal Lehrer
S.M. por +nc' amisc
S.M. por +nc' de Paula Werth
S.M. por +nc' Agreiter Vijio y Lidia, Anters

Domègna 05.06: Solennità dal Sacher Cör de Gejù: Prozesciun

Oferta por i bojügns dla dljia

8.30: S.M. a La Pli

9.45: S.M. sol. ciant. en onù dal Sacher Cör de Gejù
Prozesciun Eucar. con 2 Vangeli y Benedisciun


N.B.: la prozesciun se röa te dljia con la ciancia
"Auf zum Schwur"



LES ANTLÉS

" Le mister tan gran encünda
de chël Corp ensciö gloriös
y le miraco entres decianta
de chël Sanch, le plö prezios."
(Pange Lingua)

La prozesciun d' Les Antlès passa
con solenità por le paisc.
La comunité ó porté fora de dljia söa ligrèza,
fora tla natöra ressorida de Dio.
En Jöbia Santa messâ la Dljia plöré
por la pasciun y mort dal Signur.
Por chël s'ära cherit fora en de aposta:
Les Antlès,
por recordé con ligrèza y solenità
le Santiscimo Sacramont:
la plö bela, la plö miracolosa scincunda
dal amur dal cör de Gejù al'umanité!
Idio abitèia con nos.
Nos ciafun Idio ensètès desco spèisa
co santifichèia le corp y diviniséia l'anima.
Y cösc no ma simbolicamont, mo en realté y verité.



Wer kann das Sakrament berühren? Die
Hand der Liebe. Wer kann es kosten? Der
Geschmackssinn der heiligen Sehnsucht.
Wer kann es schauen? Das Auge des Geis-
tes, wenn die Pupille der Glaube ist.

Katharina von Siena

Ponsiers sora la domègna - Les Antlès

Na festa por le Signur

Vigne de nes pita le Signur la Cèna Santa.

En Les Antlès déssan nos ti arjigné na festa a Chël Bel Dio
desco reingraziamont che Èl nes scinca de por de Söa Spèisa,
co dá energia y ligrèza al pelegrin, por roé tres i trusc de nüsç tomps,
al Past dla vita eterna.

(Sonntagsblatt)

Ofertes empede ciöf sön fossa en memoria dla +nta Kastlunger Zucchelli Maria

Por les Misciuns: Fam.Trebo Paul y Anna dal Sauter

Por la Krebshilfe: Emma y Franz de Ciasè, Loise da Garsun

Por le Vinzenzverein: Pire y Caterina Clara

Por SS.Mèsses: Frida de Clara, Marta Kaneider, Kaneider Erlacher Ida

Por la Dljia: Fam. Albert y Angela Kastlunger, Anna Comploi dal Tabach, Fam. Coppola Hot.
Erica, Fam. Ploner Carlo y Maria

Der bel iolan y Dio sal paii ben fort!

Sorvisc dai Ministrón

Lönesc 30/05 (07:20h); Dédemesaledema 01/06 (18:00h), Vèndres 03/06
(07:10h): Philip y Sebastian Mutschlechner;

Sabeda 04/06 (18:00h): Giada Regis, Anna y Matteo Sottrovisch, Kevin
Sorá, Sara Doria, Lisa Comploi;

Domègna 05/06 (10:00h): Lucia Obwegs, Maria y Matteo Huber, Sandra
Ties, Hannes y Lara Ploner, Caroline Piazza, Max y Philip Palfrader,
Susanna Kastlunger;

